

## কামাতুর নিউটন

মোঃ আবদুল খালেক

জনম কুদরতি আদম এর বিচ্ছুরিত  
উল্লাসিত কামাতুর একটি নিউটন রশ্মি-  
আঘাতে শিহরন, হাওয়া'র আইসোটোপ  
নিয়ন্ত্রণহীন চেইন রিএ্যাকশন অনিমেষ,  
শুরু কবিতার ইতিহাস উর্বরা পূণ্য ভূমে ।  
ছায়াকাঁপা শক্তিতে দুরন্ত উদ্ধাপিত বিমোহিত  
অনাদি আলোকবর্ষ, মধ্যাকর্ষণ মায়া ছুঁয়ে  
কোষ থেকে কোষে, গ্রহে গ্রহে  
রক্ত রক্তে, মৃত্যু থেকে মৃত্যুস্তরে,  
দশ দিগন্তে আলোর শক্তি ভেদে ।

আমি এক বিনিদ্র ময়ূখমালা রক্তপিণ্ড  
পরাগ পরমাণু সাজিয়েছি সারা অঙ্গে,  
প্রেম ভিক্ষায় রমণী আইসোটোপ ইউ২৩৫,  
অনল প্রবাহে এসো, ঘটাই শেষ বিকিরণ,  
সৃষ্টির মৃত্যুতে দ্বিভাজনে ভেঙ্গে-  
ভরি উন্মুক্ত সমুদ্র, ধরনী আকাশ পাড় ।

চিরন্তন শ্বশত স্ফটিক সত্য বিকশিত  
জন্মে জন্মে প্রাণে প্রাণে,  
বরফ উষ্ণতায় জ্বলুক জিনের কায়া,  
আবার অমর সৃষ্টি আদি নিউটন ।

আইভরি কোষ্ঠ

০৮. ৫. ২০০৬